

Belasting

# NUUSBRIEF

October 2025 / Vol 3

## Belasting op Toegevoegde Waarde (BTW)

### Wat Verskaffers Moet Weet

BTW is 'n verbruiksbelasting wat op die meeste goedere en dienste gehef word wat in Suid-Afrika verkoop word, sowel as op sekere ingevoerde items. As verskaffer is dit belangrik om te verstaan hoe BTW werk, wanneer registrasie verpligtend is, en watter verantwoordelikhede u teenoor SARS het.

### Wie moet registreer vir BTW?

Enige persoon of onderneming met 'n jaarlikse omset van meer as R1 miljoen moet verpligtend registreer.

Vrywillige registrasie is moontlik indien u omset meer as R50 000 per jaar is.

Registrasie vind plaas deur 'n vorm VAT101 in te dien,

tesame met die nodige ondersteunende dokumentasie.

### Hoe werk BTW?

Sekere goedere en dienste is vrygestel of word teen 'n nulkoers gehef (bv. basiese voedselsoorte, uitvoere).

As geregistreerde verskaffer hef u BTW op u verkope (uitsetbelasting) en eis u BTW terug op u aankope (insetbelasting), mits dit vir belasbare doeleindes gebruik word.

### Belangrik:

Die BTW standaardkoers is tans 15%.

 VECTIGAL  
ACCOUNTING



## BTW-siklusse en indiening

BTW-verklarings (Vorm VAT201) moet maandeliks of elke tweede maand ingedien word, afhangend van u toewysing deur SARS.

Die indieningsdatum is teen die 25ste dag na die einde van die belastingperiode (of die laaste werksdag voor die 25ste).

Betalings moet betyds gemaak word om boetes en rente te vermy.

Indien met 'Credit Push' betaal, moet dit op die laaste werksdag ingedien en betaal wees.

## Rekeninge en rekords

'n Belasbare faktuur moet spesifieke inligting bevat, insluitend u BTW-nummer, kliënt se naam en adres, faktuurnummer, datum, beskrywing van goedere/dienste, en BTW-bedrag.

Hou alle rekords vir minimum 5 jaar vir moontlike SARS-ouditte.

## Spesiale transaksies

**Nulkoers:** Toepaslik op uitvoere en sekere internasionale dienste.

**Vrywings:** Onderwys, finansiële dienste, residensiële verblyfhuur en sekere gesondheidsdienste is vrygestel van BTW.



Indien u beide belasbare en vrygestelde aktiwiteite het, moet u insetbelasting pro-rata bereken.

## Aanpassings en kredietnotas

Indien 'n transaksie kanselleer, of die prys verander, moet 'n kredietnota of debetnota uitgereik word.

Aanpassings moet in die korrekte belastingperiode in die BTW-verklaring weerspieël word.

## Boetes en rente

Laat indiening of betaling lei tot 'n 10% laatbetalingsboete plus rente teen die voorgeskrewe koers.

Verkeerde of onvolledige verklarings kan lei tot bykomende administratiewe boetes of strafregtelike stappe.

## Internasionale handel en invoere

BTW is betaalbaar op invoere van goedere en sekere dienste.

Invoer-BTW kan as insetbelasting geëis word indien dit vir belasbare doeleindes gebruik word.

## Waarom BTW-nakoming belangrik is

Korrekte en tydige BTW-nakoming beskerm u onderneming teen boetes, help om kontantvloei te bestuur, en bevorder u reputasie by kliënte en SARS.

076 051 6559

admin@vectigal.co.za

www.vectigal.co.za

